

五百四峯堂詩鈔

五百四峯堂詩鈔

卷十八

順德黎簡簡民撰

戊申年

戊申二日寄王平水三絕

殘冬廿九江上船  
春心搖漾屬江天  
誰家煙水籬根晚  
判與梅花自過年

夾江寒柳未勾牙  
河北河南見暮鴉  
波心停橈避鴉影  
羨汝能歸還是家

詩家容易有春光中歲心情不敢狂料取傷春與  
傷別三生公案付王郎

開春連日暄妍豐年之象欣然有作惘然  
有憶

花厭舊人哭新年更平聲故枝看花感性命回首默  
低垂日色開生氣天心與盛時災荒休重說雨  
露實無私

賊散清波戰巢燒白燕軍捲旗天際柳歸夢海東  
雲今日平淮頌誰家北斗文腐儒遙起舞花袂攪

續紛

桃李

桃李心情苦自知無言憔悴有花時肯輸紅豆生  
南國要爲寒梅續北枝香界夢魂天醞釀春江雲  
月夜迷離青山處處登臺好似暗如明足怨思

丁未十二月爲李正夫

始大

書則經堂堂

額開春作詩寄之

正夫別名恥大

平生書極則經堂虎死龍殭朽骨香聞爾書空曉  
足睡眼花襟上走雲光

名堂樵老餘三字作記張郎有八分更五百年人  
載酒龍門聲價到初雲

復題寄正夫二首

渡頭微雨籠斜陽一个雷峰凝水光盡漚空青染

江色橫波人影綠衣裳

佛山橫水渡有雷峯

花藥洲邊飛鷺明鷺潭水氣暮山青碧天一點鏡

中雪點破黑松烟雨亭

羊城西有花藥洲南有烟雨井井上有亭

微雨四絕句

海東晴後片雲飛應覆花村幾日歸斷雨零風似

相識故吹香氣濕塵衣

朝來初雨粉初花嫩日癡雲釀歲華天暗川光遠  
春靜鏡中桃李有人家

簷邊花雨僅沾衫樓外蘋風不飽帆何人人日人  
閒世不自懷人對此堪

春風旗帶指西飛東海歌聲戰士歸入城一路花  
爭笑雨薄花明照錦衣

陳湘舟挽歌七首

陳湘舟名蘊芳字若蘭  
世稱陳三以丁未十一

月某  
日卒

腹稿平生萬首強六旬一字不遺忘邇來遊鬼詞

中景補入先生夜錦堂

陳三詩不存稿然自少至老歷歷可誦嘗作遊鬼詞

數十首語皆奇絕又自名其詩曰夜錦堂集

廣陵真不在人閒一世詩豪只麼閑學古自矜長

慶集好名翻笑白香山

三生真是柳屯田柳外青山下逝川蟬蛻美人醇

酒畔鶯潭殘月曉風禪

陳三嘗語予一夕舟中與妓話至五鼓見江天茫茫

曉風殘月因思柳七恍如前身不覺泣下白是內修梵行

吹燈辭影影辭身不病維摩病不真鼻觀有聞無

語候眼前來哭者何人

陳三無病三更始眠而痰作時與故妓某處城西別

室兒女居對河北至猶能視而無語矣

鋒稜驚坐貌陳三左顧掀髯罵不堪爲數幾人流  
汗處一生私喜一時慙

看基多到謝公塹雲雨江山坦掌昏長此柳絲書  
館柳雲旗風旆遠招魂

暮年風雨叫天人久未齋糧遽返真編曲鼓琴新  
鬼餒知君窮死笑生貧

雨



吾學堂詩集卷六 四  
雨斜風細上春臺不見虛空雨脚來千里凍雲浮  
地軟一川明水互天開中年景物多情話回首東  
南問劫灰從此歲豐仍乞食陶潛何用有韓才

早春盧葉二友人相過

臥起晨餐已似昏天陰薜瓦蝕雲痕力空此室吾  
無病夢後西堂客叩門性命年來交意切詩歌春  
淡物情溫爲儒望歲資吟咏布穀新聲下水邨

穀日展禪病圖

東鄰落花影花日照羅敷粉暗容光老年深夢境

粗不虛畱法體涉想窘冥途佳節人間有離居地  
下無

寄謝蓋臣

水未深青柳未絲先生何物到新詩暗桃明李誰

家樹浪軟蘋香渡海時雲去夜墀鈎月竹

謝近工墨竹

衣添春苑覆風旗陳琳未草軍中檄安石無心別

墅基

去年令弟赴臺灣欲偕陳三不果比此凱師而陳三作古矣蓋臣與陳三交厚言之常廢

飲食

讀海雪堂詩

黑水烏蠻念昔時瘴花紅紫錦囊詩中年哀樂過  
人絕前輩飛騰顧我遲破塚故墟聊竄命夢雲靈  
雨付抽思曲江風度波千頃莫愧陽水接李斯

正月十六夜散步還客居作

林犬嗔人火散鴉邨雲思雨月憐花濃醺酒力開  
缸面淺苗春心較艸芽縑素兩端新已故兒童差  
長客爲家梅邊竹裏無消息斷夢零雲有怨嗟

五更

花氣清於月色清瑤天歸鶴叫人聲紛纏苦夢過

元夜要自誰家不五更向壁粲光沈穗小入窓梅  
影壓襟橫希微道息春寒似廻薄虛無自踵生

詠柳

三月低雲劃不開連天踈地護樓臺看花緩緩春  
堤遠迎騎茸茸暮雨來憐綠正渾年少服宮黃曾  
綴壽陽梅水深波暗迷離月不許棲鳥見影猜

佳日

五柳先生靜自知春秋佳日並多詩戊申元正去聲  
領甲子雲物壹緼占歲時好爲齊民編要術恰當

閩海唱還師五風十雨登臺望動植熙熙有慕思  
春游寄正夫

桃李窺人出土牆  
根行袂渲花光  
鳥拋軟語九  
丸落雨翼新風  
汎汎涼過去  
災凶餘性命  
詩書門  
戶首畊桑種松  
已似佳兒否  
昨見趨庭似  
爾長

讀禊帖有感因寄李正夫乞此帖

兩旬吟夢睡蒙頭  
白日花川雙白鷗  
今夕古懽遙  
屈指青春金縷幾  
青樓出迷阿難悲  
投地落水王  
孫慎泛舟諸妄都  
空惟有此他年書  
墓是相酬

寄石帆

閒死憂生兀兩年春來買醉倘餘錢聖賢酒理持  
中論辭賦生涯謝側篇墻暗蘚雲青照雨野吹苗  
浪碧黏天晴須兩槳三山去十二赤城開木棉

雨中感作

饑年飽驗風雲色一東一西狼籍爲已似江河向  
身瀉忽看山嶽作塵吹社公社毋新水節春夢春  
寒紅杏枝膚寸連旬容易有沄沄田綠軟如絲

與汪明經竹東

昌榮

香山一住淹旬日九日君過十八回令客倦遊虛  
從騎詩人隨處護新苔後先暖席停雲合竹東舊居彭令  
西席煙水寒城細雨來看寫蓬瀛淺三寸莫辭羈旅  
百深杯

鄭庶常文川

應元

兄弟席上作

四月二日

十年同學我兄君萬里殊途泥憶雲玉局吾將道  
雌守金門誰可薦雄文浮天煙艇鷗波軟糝地桐  
英鳳翼芬棉樹西山半邊日晚花餘絳照殘醺山西  
有宋時六棉是日猶餘一花

彭明府竹林翫席上

隔城山翠動涼氛時雨吹花益酒薰東里歌辭傳

太史

鄭文川時方爲彭令製屏文

南邨農事訪徵君薄遊客館

容稱病如市臣門半課文飲水已甘相見好四年

西夢峽山雲

予以乙巳識彭侯於端州時令封川

彭侯欲以西峰寺館予爲僧所却旋得居

停作詩呈彭侯不必示僧

居士毘耶室自空不妨獅子至天龍已同槐樹心

無火

客舍有槐

莫示蓮花舌有鋒長者布金祇樹界

侯新



修茲寺 何人貽句木蘭鐘未離地病還吾病詎以儒  
宗縛梵宗

香山縣齋贈汪竹東

水光浮地邑多寒海氣低沉城裏山下國朝昏易  
雲雨東墻幽怨伺煙鬟河沙界內吾求食五百峯  
頭汝共還不爾兩樵開亦得空堂猿叫落孱顏

香山暇日與諸公登衙內小山晚眺

周遭萬室山光裏又送諸山入海光帆影似鴉投  
艸樹人煙如霧失青蒼登臨我邑猶茲邑昨夢還

鄉却異鄉

予時寄家佛山

已去家書風便否老年懷抱易

悲傷

戊申四月廿六日題

去臘大寒南日暖今年四月袷衣涼

農謠大寒暖多冷煞早禾

川光柳暗辭春國雨暮煙朝況水鄉首夏正傳苗

葉短餘荒猶見歲時長慈烏有子斥鴳笑百里此

行無宿糧

五月一日香山客舍咏懷三十六韻

昨者四月朔夜黑放巨艘風雨去夜濶波濤歸夢

浮百里闕一物迷悶趨深幽忽然何處峰飛翠落  
枕頭舟定身意湧麥涼城郭秋居停得槐館清冷  
宜棉裘槐樹如柳樹末枝纖以柔客心似槐葉搖  
搖懸不休時登城西山六棉千尺脩想見落日影  
覆城無少留來時賸孤花一珠纏六虬破月始一  
眺多雨添衆流徑使平遠山出水如覆甌試問三  
十日一日不雨不且計百廿日幾日簷滴收兩年  
近苦旱茲溢前所求香山足食地餘且濟廣州舊  
穀已示盡新穀望有瘳米賈于此邑萬舶無一投

比者米轉貴內撻勞邑侯

彭先生竹林

我來坐而食一

啖集百憂親老不厭精無肉且澀喉寄書語妻子  
今朝備甘饐老人喜時節骨肉相綢繆色笑倘不  
真飲食翻倍愁嗟哉士窮賤有願難自由多思却  
無夢夢亦境不侔望遠聊自慰雨色低滄洲遙知  
長兄心高拭千里眸謂有季也在不貽鄰舍羞別  
路無遠近舉足成逗遛豈知弟斯時復賴有阿彪  
識字得梨栗一解迴腸抽孤檠照行坐畢生多悔  
尤那堪異地樹掃瓦風颼颼奈何竟夜雨伏枕長

悠悠

雞鳴

香山作  
三首

獨警邨雞已五年四更潮月靜江天香山水濶雞  
鳴早不到泉臺人獨眠

花邨生物歲荒餘祝祝雌雞始引雛未趁子潮喧  
曙枕老人殘夢滿江湖

家君昨從佛  
山還邨庄

掃瓦高槐夜百驚雨中海內十年情雞聲遠遠灘  
聲近雞與孤蓬風雨聲

香山縣齋雜詩

萬瓦青陰歛夕曛滿城風雨七山雲不知城外天  
低海浪白山青雨不分

只聽槐聲是雨聲古墻燈暈暗寒生今年坐得愁  
霖慣樹杪星光忽報晴

賢令幽尋挾嘉客不曾稱病似相如郎官車騎雲

填道中有淵明軟足輿

時頗患腳氣  
浴木瓜湯

後園叢木小崢嶸八面雲巒越此亭西日東流相

背急對人無語晚山青

衙齋後小  
山上有亭

向晚風棉葉似雷沈山雨脚揭江來不愁客爨無

煙火吹折當門兩股槐

逾月應須句有神  
蒙頭歸夢故池春  
西峯五月哉  
生月六木棉梢一岸巾

香山縣衙後山置酒小亭亭後有宋時陳

君墓

山頭有墳古陳公  
幾番老死墳頭榕榕樹何年有  
棲鶴飛渡滄江認城郭  
西山木棉千丈陰東影氣  
合江流深入閒落照辭今日筵上新知同古心  
北來千山勒海口欲化波濤向東走惟茲七阜犄角

雄倔強似掣天吳肘中阜之墳幾時有孤城萬室  
猶墳後後人思我今日醉前事酬君一杯酒君不  
見墳前城下江滔滔日夕急去增海濤海水直下  
三山高神仙不來來亦勞秦橋古血死灰色瓊田  
艸黃生野蒿

不寐

中年愁不寐前事空叢心哀樂何人在江流去日  
深葉辭風病樹影落露棲禽照榻思家月新篁長  
故陰



落月香山縣後山亭作貽何三方大在劉

二書堂

諸天落月靜殘夢大江浮林暗山亭夜城光野水  
秋最傳謝客句何在庾家樓更否邀狂簡蒼茫厭  
獨遊

香山別方應復

天根

劉善翽

學海

還佛山

爲挈家歸村莊之計

琴德新堂遣秋瘡藥烟小閣憶秋風初當七月深  
雲露已破三年別竹桐謝病君能諒司馬寄家人

漸識梁鴻花邨仙館芙蓉晚倘問花船有路通

泊都寧

西去十里卽吾鄉也香山還佛山經過

十年今夜忽都寧柳直山橫小驛亭雲脚電明分

雨黑濤頭江壓飽帆鯉

潭洲洋魚船

花農晚渡時相值

漁女歌音近可聽轉去他鄉問家室木棉邨口送揚舲

舟夜懷方應復

低雲如遠樹高柳似孤峯水作沙光白煙爲月質  
濃都裁沾雨氣稍未有秋容此妙方干解吟時到

筆鋒

歸心

四載離鄉三載飢  
廿家爲里十家非  
樹根父老餘生話  
花裏漁人得路歸  
燕懶候門秋濶絕  
竹重開徑夢依  
佈縻蕪山下遙  
回首已是新人弄  
素機

魚塘海

空蒙山影互雲汀  
一漲湖光十里青  
尺半魚游故鄉水  
上頭風打斷根萍  
花飛蘆荻寒兼月  
露下芙蓉夜見星  
憶是信舟携酒處  
遠天橫玉叫秋溟

橫江渡

蒹葭夕日遠蟋蟀野塘涼  
餘夏雲輪赤立秋禾露  
香地寬喬木短江影暮帆長  
誰信故鄉外扁舟望  
故鄉

街西老樹寫別

老樹三年月南村乞食還  
高枝啼露鳥落影動柴  
關去汝街西社看花海上山  
芙蓉繞江屋三折櫂  
秋灣

木棉寫別

他鄉歲時記當戶木棉春三見花開落長如樹主  
人邨頭似峯影天外挿江濱昨日看吾過將迎何

太頻

前詩所云  
樹口木棉

### 寄彭香山

七月歸帆出海東江天白露試青楓北窗樹底南

州榻剩許淵明六月風

山下小齋彭  
君館予處

### 寄方應復

槐影離離黏薜紋逢逢東西南北雲舍亭有客此  
謝病山澤之癯初見君他日仙人能忍辱前生阿

難合多聞不遠衆香須問訊海涼花靜欲秋分

對山樓歌寄鄭庶常文川

應元

秀才遙川

應翰

兄弟

香山城環江水光城頭衆山如女墻東風吹雨西  
落日雲陰日色叅低昂對山樓出城中央追索變  
態窮荒唐獸雲立海掩日黝魚涎啖潦灑雨黃峰  
巒洶涌海帆磔萬岳頃刻攢水霜何人自展一粟  
內靜者廼知四大忙翰林兄弟雙鳳翔下十二城  
窺八荒立身真不倚家世好義豈必徵休祥一昨

開筵夏五朔七年兩度蓮重房虛當異縣咤異見  
如以二難名二方無詩佞筆焉用佞便號狂簡元  
非在詩逋登樓爲君償芙蓉堆皺天青蒼冰滿應  
分玉女井碧筩一吸蓮花洋元氣氤氲沁君骨秀  
句卓絕爲天章我今別君還衆香四十二河沙故  
鄉兼君一十八人社開我五百四峯堂浦風水雲  
楓葉涼橫江鶴飛鳴自傷去時宿春百里糧遶來  
海漘三寸強故山羽族本同氣玉樹巢覆金桃殭  
低徊寄聲雙鳳凰飛搶且願於榆枋

鄭君嘗要予  
作重房蓮花

詩未有以應歸  
後却寄此詩也

雨

七月廿七日

晚雨拂空清  
秋雲渡水輕  
歸飛雙燕濕  
涼色一峯

明葉打橫江  
櫂風疎獨樹  
營幾年漈瓦  
響應換竹

梧聲

橫江頭獨樹營  
皆吾鄉地名也

期以八月十日還家二日作詩畱別佛山

交遊

月照一邨花  
攜家人到家  
水光知木落  
竹影轉燈  
斜三載經炊  
玉今秋得及  
瓜吾生半流  
寓茲別倍



堪嗟

八月十日挈家還邨莊詩貽諸昆弟故人  
見大鳥岡眼力明水風花月足歸情虛將別日驚  
朋友厭數饑年得弟兄故里喜聞秋社鼓橫江閑  
煞戍樓鉦誰知病客幽篁下淚作霜枝泣露聲

夜聽雨曉起行園贈李潛夫

龍山村作

瓦碧樵陰重

西樵甚近

堂寒燈影昏水雲低候鴈江雨

響秋邨宿露莎雞艸風蘿牡蠣垣吾家此時物肯  
入汝芳園

別李潛夫歸數日舟中得詩寄之

松陰紆護海山影遠如雲葉擁秋帆轉風衝陣鴈  
分暮懷寒艸色離席宿香熏溪曲芙蓉館深花夜  
夢君

中庭

柳外天清歸暮鴉一蜂猶薄夕陽花關心外物通  
迷悟感逝中庭足歎嗟艸暗屨痕餘蟋蟀池荒鴻  
影問蝦蟇悼亡潘岳情題賦久客梁鴻識有家

秋野

秋雲帶落葉狼藉攪天飛迴野荒寒矚平蕪動夕  
暉古愁鬱新句世路止柴扉往日遠遊子西風驗  
素衣

村岸感咏

蒼然海上雨鴈背落秋陰楓葉留殘日蘆花怯薄  
襟文園舊消渴詩義古傷心近喜維摩飯兼能飽  
野禽

月下作

水月還鄉濶他鄉見月時圓因窺後井方可滿前

墀夢裏秋官社街西老樹枝三年舊鳥鳥啼苦或  
相思

細竹

細竹初生瑣碎枝故穿鞢印故當墀舊揩春粉人  
何見小和秋聲汝豈悲寫影新傳鐵鈎鎖招魂畱  
製玉參差纖纖約素亭亭立却似當時無語時

落月

蕭蕭葭露白碎碎水紋黃落月人閒世遙天我一  
方聽雞因病起有鴈叫羣翔不覺垂私泣西風結

面霜

暇日與諸公慈度寺致師方丈

松風落霜子秋寺瞰山光路靜入烟晚溪深僧影  
長衣衿振花屑村樹觀禪香國土茲嚴淨憑師作  
道場

獨步村口成咏

萬樹漣紅似夕陽天陰寒浪揭湖光霜黏鴈背菰  
蒲白村少禽聲穉稭黃散木拳攣迴匠石病駒慵  
悞負孫陽苦心詩卷多何補不及支離播粃糠

社樹

老樹空靈似有神  
三三藤羃歲寒身  
三年里巷啼  
饑鬼幾个秋成報  
社人自我無家一爲別  
衆生有病不曾春  
今還五穀穰穰熟來歲  
長枝日日新

五羊客舍感咏

海日憔悴光照我  
花下廬扁舟昨夜風去吹簷外  
梧我自行未歸復此聊儻居  
憶我昔還家病妻親  
下厨甘羹奉藜苳  
花塵拂襟裾死別今五年往事  
入模糊常恐日月遠漸令魂夢疎  
熟知夢增憂彷徨

佛亦勝無無使地下人獨自懷故夫昔時織縑者  
織素已有餘衣新著成故人異義不殊心情一鹵  
莽鬼亦鹵莽予天寒歛燈光客舍靜更虛唧唧呻  
餓鼠鰥鰥勞夜魚夜長不得曉歸夢乃須與落月  
在我村百家啼一鳥

和廣州太守張公

道源

丁未三日韓廟

廣州太守潮陽道獻歲三日登韓廟殘梅香已拂  
暖波古橡風猶肅寒嘯廟前海勢排闥白瓦上苔  
陰積年碧鯨鐘噌吰四壁凍螭鼎澱浥孤烟直春

雲沈沈不狼籍翠旗金支迺青霓匹練神光落瑤  
席虛帷颯颯人脉脉遙知默禱格神聽但見憂農  
形義色須臾廟外韓山青蒸蒸喜氣雲開屏共傳  
是日五馬歇亦似昔年南岳靈船頭逢逢打鼓鳴  
使君發船吉日晴光風汎汎神送行綠波悠悠搖  
旆旌艤舟江路夜吟聲隔桃李花明夜檠魂清意  
誠結幽夢新詩自與神官評朝來一字險破膽昏  
上五雲光射晴五雲飛翔散好語化作千里車後  
雨五色仙禾穗兩岐一騎行騶天尺五



廣州張太守清蔭園席上作兼呈邱南澳

楊崖州是日小除薄宣歸興二十四韻

用古  
通

百姓含哺了先生飲水甘政閑并歲暮下士侍高

談清蔭來農隙嘉名第筆尖賞心中十六

凡十六處皆有

詩儲食外餘三先路憂彌縫爲山式具瞻樹同將

母壽池照約躬廉狂簡藹入園官蒼茫芟景多

難給目愛重不容謙老桂吹金粟寒榕挂古髯城

頭落遠黛水底皺晴嵐兩接高軒客齊停跨海帆

論詩風蘊藉堅坐日清酣密席開樛舫疎枝寫月  
簷華燈波瑣碎綠酒竹脩纖人影雪爲壁書聲花  
隔簾飲緣文字久羣是鷺鷥兼士鴈停雲末衣妨  
夕露沾小除驚日月舍肉爲慈嚴越石宜安塞  
東坡遠化儋楊登龍仰元禮倦鳥諒陶潛回首三  
城晚歸風一葉恬別餘殘柳碧春拂暖江藍宛轉  
青蘿嶂山暄妍白袷衫花邨夢蝴蝶公府夜潭潭  
除夕懷邱鐵香少尹兼似宗明府芥帆聖

垣

小別歸帆衆香國大除回首六街塵梅低矮屋窺  
殘醉夢入寒潮接早春吟苦定兼詩度歲署空惟  
對影懷人知公愛畫如宗炳見我圖中示病身

五百四峯堂詩鈔

卷十八終

五百四峯堂詩鈔

卷十九

順德黎 簡簡民撰

己酉年

元日

幾年作客過元日有夢隨春入故園判斷鄉愁會  
鄰里寵光花事縱晴暄詩工世許危言得身賤人  
知獨行尊親老兒歸况殘歲倍常安飽弄諸孫

人日絕句二首

竹筍過牆靜不禁桃花隔苑熱生憎幾年去汝歸  
還見不見梅窓明佛燈

昔年人日禮藥師七級佛燈燃百枝藥煙閣上逢  
人日不似香清人病時

與邱少尹約開歲三四日當來廣州今踰

三日矣戲作絕句二首

亞枝梅颭暖波香日色山容澹沲光十里花鶯湖

一曲酒船須與老知章

邱君四  
明人

桃李着花才數枝客程太早春太遲一分春色四

年別梅花乞人三日期

贈宗芥馮

江潮春滿花照潭水風花雲香撲帆波光皴空漾  
白袷一箇驚鷺明暖藍入城收鉢洗赤足呼兒開  
篋穿青衫還家半月花下睡振袖花霧霏滄海隔  
歲題詩憶宗炳急欲對楊窮幽探樵夫昨持五丁  
斧割取一股浮山嵐春風吹人靜煦盎虛壁叫狹  
深甜谿綠崖丹梯興突凹鬱爲迴句爲雄談君兼  
令弟才軾轍瑯琊大璞遺鑄鑱銀灣上游弄明月

天鏡一洗萬古函餘波珠璣且千斛我則測海量  
甌甌昔年金篋未刮目不識載寶填我貪愚公今  
猶愚不已以力角命驅重巖太行王屋本何物乃  
欲一擔東南擔君能照口見肺腑病有根柢難鋤  
芟且云堅白戰好惡如就飲食殊酸鹹烟雲橐籥  
一氣出或白似絮元如黠黔鵠浴鳥豈本色強以  
粉墨顧兩慚疾無可換笑扁鵲心已自醉緣季咸  
要知真氣浩莫撓或爲風積或海涵五車多方倘  
非我空爾黃馬驪牛三感君饋藥再拜受八石九

轉區仙凡始知有病佛所憫我維摩詰君瞿曇法  
門不二今自得不復語言惟默叅詩家入禪此三  
藐實地踏脚真二南是時春空皎秋色人影墮地  
瘦巉巉三城月高萬家夢世界至靜夜氣酣愛君  
官舍冷於水不以家累如僧庵我亦終歲離眷屬  
似禿施髭徒絀絀六時相過一笑別不着芥蒂眠  
春蠶

古樹歌

有序

邱太守鄞江故居有二松一栢乃宋時故物



也海內巨公士夫多有詩前年在南澳書囑  
予爲作歌昨日數接讌坐未有以應之也今  
邱君往守廉州別後爲寫作三樹係以長句  
遠寄焉先是爲邱君題奚鐵生畫梅卷作長  
句故卽以起興

昨題奚岡畫梅卷已似西湖初雪晴寥天皚皚風  
漠漠吹我夢落君前庭庭前在昔君語我有宋三  
樹森相撐兩松一栢五百歲至是與我遙通靈鬱  
芊故國得喬木摩挲古先遺典型何來陌上三老

叟再拜里中諸父兄冰霜久蝕邱壑骨崛强怒餘  
龍虎形萬均神力撓一寸已屈未伏勢尙橫盡令  
觀者助兀冪願作壯士廻生獐盤空風霆日霹靂  
積雨落蘚春迷冥雲陰近已接廿里二十里雲  
邱君居處黛  
碧遠疑連四明先生昔戴華陽冠三層高閣翻道  
經嗒爾隱几得天籟泠然小和平聲吹玉笙君看細  
鏤皴叠折似嚼海岸波痕青蔽牛一賞漆園吏歸  
鶴幾見遼東丁憶君初來度梅嶠曲江手蹟奇崢  
嶸側帽寒吹白日外長風驅入滄濤聲古梅月店

天半睡鄉夢吾廬林下行十年風雨變鬚髮不減  
幽興隨官程官能詩句秀蓊蔚得勿此樹苞元精  
前年伯牙在海上天水浩浩琴獨鳴裁書索我咏  
嘉木又諒荒歲無詩情三年別日世路濶萬物復  
命吾詩成詩成寄君向合浦更寫三樹爲翠屏屏  
以充君歲寒操詩爲太守畱清名他時歸橐愧陸  
賈但可不愧還珠亭

二月五日作

計日晴過百聞雷忽異常江波橫捲地城壁甚垂

堂病鬱中俱解雲寒低更長老親藤杖在扶雨看  
新秧

始聞雷寄友

小樓春過日異地夜聞雷花節蕭條雨鄉愁湫澼  
杯離居將夢補天運與人回勸且推茲理暄陽到  
濕灰

細雨

江雲壓城上城影入春陰陰重寒霏雨風迴軟濕  
襟社遲容閉蟄花午褪歸禽濁酒西堂晚明當碧

水深

六載

六載桐篁三尺墳不因寒食始憐君  
春如作夢天多雨別到今年地有雲  
燃紙蝶灰風栩栩遺衣蟬蛻霧熏熏  
刳心禿管看成塚墮淚碑成未勒文

己酉四月絕句三首

龍眼花時蜂滿村溪流濃綠澀堤痕  
花光晚晚雲

狼藉故作驕晴故晝昏

龍眼花落水水渾綠  
無雨致苦不可飲

廟瓦璫瓏碧艸煙西淋山翠漾江天天光淨綠飛

晴雪剩見清明幾陌錢

壇覆雲根老栢庭社公袍笏蘇紋青一從社後無

風雨可乞身邊社母靈

粵社祀以卵石俗以社日前雨爲社公雨以後爲社

雨母

重題雨仙壇

在斗姥壇側

天姥壇高日月廻壇邊云此集風雷巖寒朽樹無

生氣雲斷香爐賸死灰到日適當丁未劫懷歸宜

築望思臺廣州故是仙人窟自牧牛羊可往來

雨仙

牧牛童子云

四日詩寄謝蓋臣

昨日珠娘櫓越舫橫波南岸望津亭雲邊樓閣樓  
邊樹獨見將軍柳樹青

今日江雲滄滄生風情蘊藉雨聲清南村老將掀  
髯笑北看風吹雨入城

往日兼君汗漫遊春江花月作去聲詩鈞今來見爾  
如開鏡一樣年華兩白頭

他日人間擅書名倪迂邱壑懶經營鐵鈎鎖子金

剛杵輸爾梅翁筆勢橫

謝二近  
工墨竹

喜雨詩與諸友

昨日同讌遊我以病獨回空雲壓扁舟相逐過海  
來百里蘆葦聲黑潭屯殷雷已復見西日灼赭東  
垣苔入夜自臥病瓦響生疑猜聽微若駐遠去驟  
如一摧虛堂冷蕩漾著處先病骸遙知諸君興艤  
舟楊柳涯燭光亂波影璀璨金銀堆離合阻半晷  
喧寂同懽懷朝來竟日雨簷瀑懸崩崖轉憂滄溟  
捲未防西北頽樵夫急歸夢看種雲沙隈人閒雖  
四月萬物始發蓂迢遞山水閒初似春登臺廻首



歌尊前酒極歌喉哀

戲寄謝盡臣

日日雨來南入城城中不見熱塵生  
心知物態安無躁眼接山光遠益明  
水底碧天深鳥影柳邊白  
裕試蟬聲新詩改罷誰閑着  
晚飯新涼寄老兵

漫題

昨日還家耳目清不關睇聽屬花鶯  
紡車妻似故人爪織布女同賢母聲  
稍謝號寒及僮僕優能治病費瓢鐺  
更須農具教兒輩量買僻田租稅輕

初夏野曠與謝蓋臣

山田新綠水田黃  
高有涼雲下日光  
忽地陰晴走中野  
一團風雨攪斜陽  
詩人南極心情濶  
老吏西津日月長  
回首十年誰好在  
兩番門外好垂楊

春酒

樵夫終歲無齋飲  
者皆云我自然  
四十恒河還故國  
九旬慈父喜新年  
鶯啼柳綻雙甘地  
燕啄花熏五戊天  
此事少闌農事急  
荷鋤歸看暮炊煙

波

柳外離愁壓飽。飄鳳凰岡下。白鷺潭低。斜雨脚青。  
楓浦搖漾。雲絲白。衫我欲。蓮湖安屋裏。人惟桃  
葉。稱江南。最憐花落空邨。月遶枕。溪聲睡不堪。

五月一日庭前桂花

去歲入今日。客花驚客心。今朝坐香樹。嘉節動嘉  
吟。正席沾茵。拜稱觴。糝酒斟。老人宜小苑。晨砌轉  
去聲。清陰在。昔藥烟閣。於時荷葉襟。香都來捲袂。細  
不礙彈琴。午月攢星玉。微陽結粟金。枝長別日遠。  
影重夢雲深。喜有團芳蜜。聊無弔夜禽。永懷偷藥

去蟾窟間沉沉

雞鳴出步作

蛤吠水田殘月明  
濶中涼白靜中聲  
門開花落人早出  
燈轉鳥飛雞亦鳴  
詩在故鄉聞好語  
學於中歲切深  
畔海東兀兀雲千丈  
更與東風曉雨成

玉溪咏柳八韻

映江無限柳柳外  
映斜曛晚晚春迷  
目煙中又水濱  
遠途從此別南浦  
送夫君浪足船偎  
岸風情露漬裙  
樓高尖稍出帆暮  
入難分寒重如能  
雨青多

爲借雲山容相視笑天色帶愁醺莫自驕才思題  
詩觸緒紛

郊外

五月盛野色綠蕪邨氣涼渡河山亂翠映日雨懸  
光游倦詩才約年豐物澤昌雲沙此郊外空濶度  
吾堂

江聲

五月夜潮生江聲挾雨聲有餘風浪勢還殿蒹葭  
鳴地轉沙移岸天空月蕩城寧知孤艇客安寢夢

生平

移居

新買鄰屋五月十五日移居

取容師子座聊得鵲巢居  
地近竹來筍堂涼蟲避  
書雞裁鳴子舍燕且傳  
遽廬擬築三層閣吹笙近  
太虛

積水

積水夜逾高虛空壁掛刀  
地深青見底星冷碧無  
毛禪納三天大形難一物  
逃吾心萬丈月不亂任

風濤

昌谷詩壁冷掛吳刀

三才圖會卷之二十一  
一  
白花海榴十韻

故人花作骨舊種玉爲房地僻容三尺根深有十  
霜昔時聊散病此夜未曾央身畔碧沈重月梢明  
對當少看驚態異多簇照肌涼枝軟疑天棘叢高  
勝佛桑圓垂苦李小寒劈碎冰方眼淨且忘鼻色  
空寧著香惱公傷別遠如妾可憐長感物思畱子  
移栽入內堂

驟雨篇

炎天石尤起西北忽到東南波面黑西樵破碎下

九江片片飛濤有山色江皋亭子立骨格編茅吹  
起軒兩翼有似黃鵠負大力忽然斷散收不得插  
沙飲海萬矢直要與雨勢爭相射萬家村瓦一霹  
靂雨點星明重如石仰視嵯峨大鐵圍太山急作  
鴻毛擲我從靜中視吹息帽簷載風身倒側寥天  
一角蛟龍氣斷虹千丈元黃跡滄江返照扶桑枝  
爛銀堆裏三山碧

就樹堂寄郭山人

愛爾就樹堂瓦脊俯山木終年花繞牀每夜葉打



屋紙窓明短檠梧雨奏哀玉古堯春陸離新花露  
芬馥畫成碧山曉海日照簷竹

叢蘆

黯偃叢蘆十里長春山無影水無光夜漫露重疑  
花白睡忘風多但雨涼昨日青簑理煙艇故人赤  
牘下江鄉去迷住著歸何定報與才春百里糧

種竹十四韻

分藥烟閣  
外小竹

一角新居地三竿小閣孫夫分異氣土曾過別家  
園增得當心日無傷放手根烟啼上番淚影削故

人魂盡正泥俱暖  
秋前葉可繇  
熱宜汗下種  
涼待酒醒喧  
預想花迷路  
寒潮夜入邨  
於時舟繫岸  
圓月碎侵門  
水碧交天色  
霜濃冰石痕  
晚雲垂地重  
夕火隔林昏  
夢去風猶住  
詩艱袖欲溫  
物遲高興後  
事舉夙心存  
屈指人何識  
扳枝泣自吞  
十年仍五月  
永別託長言

村晚

風雨入空邨  
江天空閉門  
花浮別夢去  
燈付怨蟲  
昏前路惟華  
髮歸時憶故  
禪長卿何事  
好多病道

彌尊

寄薑臣石帆

日出籬根積水東  
船頭花影覆天紅  
探春歸課高低雨  
惜別頻更離合風  
引疾老兵楊左肘  
辯才居士宅環中  
可於湖口煙波裏  
書畫逃名憶釣翁

多雨

五年一厭今年雨  
甲子靈靈犯昔聞  
映水送光斜掩冉  
隔林懸碧正繽紛  
鞦依臥楊蒼園蘚  
花翳香泥濕漚雲  
尙喜早禾延晚日  
暮邨晴鳥正喧羣

雨歇

塞溪惟樹影影外漲天光下見晴空鳥風恬定不  
翔氣清吾病損詩澀物情荒雨歇成何事齊書紛  
滿堂

西潦

西潦入東海濁潮如卷雲邨疑浮地去波欲割山  
分斷霓收殘雨叢蘆展夕曛田中聊笠屐未遣故  
交聞

張靈峰送葵扇

岡州葵扇俗易得得自詩人爲可珍  
浪說籠蔥葉作席但驚蝴蝶翅如輪  
雲隨東山脚下展風墊白沙頭上巾  
明月江邨宜病肺搖搖花影夜懷人

五月

五月江田熟江皋集鳥喧黃泥瓜蔓水  
白腹荻牙豚長日兼餘閏新詩喜故園  
畱京張叔子朝報過柴門

曉色

村色靜復靜天光分未分湖陰紅展日  
竹冷碧垂

雲海雨畱魚氣潮田起鳥羣病多辭晏臥東面漱  
氤氲

望三忠廟風雨

雲起大夫峰靈潭上黑龍雨渦邨口岸海嘯廟門  
松士氣寒潮盛山愁古黛濃最傳趨百怪江縣夜  
聞鐘

己酉龍眼詩

年年園果誤歸人龍眼初黃顆顆勻此別扳枝出  
手遠六年時薦飮盤新辭鄉荔紫梅黃後去歲秋

分白露旬是日歸舟挈雞犬過時嘉樹感風塵以

甲辰五月去家戊申八月挈家還里至今已酉閏月始一嘗故園龍日故云爾

### 竹

東墻才幾個暮景靜蕭蕭子舍分根邇爺枝隔歲

遙

廣州諸山縣人呼一年竹曰祖竹二年爲爺竹三年孫竹則多矣

風情且葡架

畫意已溪橋深碧秋燈夜何時稱沈澹

### 渡頭

山影隔江橫嵐光入水清渡頭涼雨過人面夕陽  
明鳥下噪新種魚迷趁落英何能忘溫飽慚此外

無營

暝色

暝色天邊樹深青接海昏鴉呼獨樹汎雨掛夕陽  
邨松霧濃沾瓦花流曲到門何人入遙夜相望役  
吟魂

風夜寄友

風起暮邨喧暮鴉深無人處有飛花花判去住從  
波力夢苦浮沉驗鬢華虛壁寸燈搖薜荔秋江長  
雨憶葭簾人閒五月君珍重也莫羊裘付典家



今朝

幾日風雨劇今朝如好春燕酣風婉軟花凍雨精神漲汨詩心濶雲膚畫本新江皋吾白幘人海汝紅塵

夜景卽目

竹扉風碧隔溪燈露野濕明黏樹螢不辨海含何處雨漸窺雲斂半池星坐忘眼界吾喪我吟破豪芒天選形忽聽曙禽流軟語山光涼潑滿湖青  
偶出縣城不及見黃虛舟歸舟有作却寄

三首

白鳥飛破水雲陰  
青蘿嶂下青天深  
嫌他一出照人眼  
無處使人無處尋

斷續熱雲撒白雨  
東南赤浪漲炎風  
天沙一轉三分舵  
欲掣西樵入海東

山裏小城城裏山  
風潮入汝小窗閒  
寧知有客身如葉  
軒輦雲濤苦往還

諸君載妓邨口避暑請書歌扇

得曾炎熱窄坐受  
水雲寬煙絮繡衫暖  
冰釵照鬢

寒天低沙一畫雨及樹爲團歌舞中年絕晴陰百態看

村舍寒夜寄梁作人

窮冬海氣吹雲黑虛室燈光對眼青憶汝詩艱長  
至夜繞廬花罨別愁冥梅店北看大庾雪江天南  
翳少微星前途他夕懷君處日日勞勞送客亭

五百四峯堂詩鈔

卷十九終

五百四峯堂詩鈔

卷二十

順德黎 簡簡民撰

庚戌年

庚戌三日至六日風雨甚寒時儗裝已殫  
欲息勞身假暖春春來風雨更勞神天南夢夜先  
愁雪嶺北花時亦作塵不厭蹇驢驅賤子恐虛連  
騎誤慈親行藏鏡裏看頭腦可稱冬烘一解巾

桃花

往歲桃花西隔鄰日斜紅雨送青春卽今春色催

行客却是花閒作主人

新買鄰園遂得此樹

風攪餘寒猶慘

淡日趨傷別與逡巡得非青鳥啣來種細數殘開

報老親

予前有詩藥烟小閣試春望日隔緋桃開處光言此花也

燕

故宅連新宅新巢舊燕移樹涼深避雨花濕易涎  
泥似我沾慈愛闌人語別離他宵門口月歸夢汝  
先知

李花十二句

今日暖不雨此花繁護枝露叢愁蓊蔚風處眼迷  
離淺白照別酒無言低怨頤後園新鑿井初月亂  
穿籬客計南安去梅開北嶺時心傷出門急春豈  
入關遲

春波行

春風吹波初燕飛桃花入船滿我衣我云行矣出  
溪曲萬花憔悴千鳥啼碧波落照近路晚綠樹接  
天遙夢歸我行中途正春仲水遠山平日相送未  
愁行子忘行程爲恐鄉心忤鄉夢願將春夢託風

潮上下江波續暮朝斷腸聽說胥江水江水東流  
魂莫招

雨

邨風煙霧香花上細雨落雨色及海色一去兩漠  
漠近沒白鳥影遠浮碧山脚蒼然動黃昏晚晚濶  
無着潛起高柳外低壓春亭角遙知故人意扁舟  
出香國春愁碧雲合歸夢去帆弱我行正夷猶離  
居已蕭索花竹翳青檠雲水亂濕柝江鄉且信宿  
冰天試魂魄山水待畫師前路足旁薄白袷紅木

棉晴日天宇廓

邨居寄北試同年諸相知

慈鳥羽翼瘡實以哺親饑何來驚驚羣相與憐其  
私迢迢上天路欲挾同奮飛誓將傍日月不自慚  
羽儀遂聚三月糧得及千里期一半畱空巢一半  
行自隨老雄送其雛查查鳴不悲望巢遲徊去鼓  
翼嗚咽嘯是夕明月高照見樹南枝一葉庇病雄  
三匝號禿雌孤雛感精氣忽自飛南歸歸及故林  
外族類聞啁吱哀呼入其巢日夕無休時日夕呼



稍休性命危且微巢中母與子病吟相對棲滅如  
桓山鳥所生惟兩兒大兒去謀食十年歸路迷年  
年訴來鴈寄慰心依依江湖竟天濶春秋將語遲  
小兒心力竭無那何所施呼佛學波若皈命恒受  
持白露一寸身昊天無極慈嗟予命輕薄譬我則  
若茲諸公氣袞袞正似含煙螭

君親理一軌通塞時有宜行當縻章綬勉力答  
所知肯念雲海東尙有大布衣賴叔爲老母舍肉  
饋甘肥貢公賴知我岸冠彈垢泥待艸希有賦一

寄慈鳥詩

護花木於後園作

先人手種花人逝花欲槁或言欲生之須與挂素  
縞芸芸萬物性天人各呈巧有知自天子無情乃  
人造心氣之所通理近事冥杳仰視空蒼蒼泣血  
潁碧艸一艸與一木苗裔自皇考政欲佳子弟愛  
惜如指爪明月夜漠漠白露秋皦皦恐有詩老魂  
覓句此幽討書味閒燒筍生涯習嘗蓼善果出嘉  
林嘉林無惡鳥

或言其人死所植須  
挂白不卽枯果然

來禽

新種花木  
佳鳥卽來

雙鳥今日來疑此遽蒼綠見人稍去遠嚶嚶語高  
竹主人槁木形反覺勞汝飛我方謝機事汝自入  
於機幽林吾客汝莫學燕啣土今年王家梁明年  
謝家戶

雨漲

風雨西北來聲勢塞九衢遙知四海水立赴東南  
隅扶桑沃焦石吸一而百餘雨師笑大壑飲量誠  
區區陟高望海島覆甌疑有無顧眎所住邨一葉

帖江湖昨日龍攪水逆海灌空虛空中墮船蓬有  
似投林鳥忽復起旋轉蒼鶻盤浮圖邨邨擊神鐘  
百怪驚且趨不知聲洪洞益助風雨粗橐籥一振  
蕩黍稷廼膏腴靜者雷電中笠屐提胡盧板橋水  
拍潑人跡苔糝糊白鷗眼炯炯隔花相叫呼畱客  
晚飲酒酒邊西日徂

邨人叩鐘  
以禦龍云

雨一首咏懷寄同年諸公

江縣幾一月日日西北雨疑從元冥天撇捩萬猛  
弩勢吹鐵圍頽氣待海潮鼓潮光渟諸邨雲脚塞

四堵行人雨外望雷叫日卓午過頂忽一掃脚熱  
灼漑土但見雨與日散漫無處所四郊上野氣浮  
浮若炊釜我屋翳林木層葉蔭廊廡續續接殘滴  
幕幕延陰昡謝客似仲蔚披卷如向詡鬱鬱平生  
病清冷襲肺腑北想中原路沙磧正夏五歔歎空  
低垂不得試辛苦忸怩

君親閒所學無小補忽忽過四十養疴戀林莽千  
秋千叟宴萬古

萬壽主希有

今大禮旬中浩撐拄身生

聖明世無由眼親親以茲轉悵快幽獨慚仰俯  
京華多故人得意不知暑南望雲霧中少微近牛  
女綠簑濕颼颼煙艇釣風渚

小園卽目三首

雨後月前行獨來闌西雲外晚輕雷瓦聲忽過東  
鄰遠月下白蓮含雨開

竹風亞枝雨點重一點着衣寒斗生劇愁花晚力  
憔悴點點到花花益明

曲曲空籬未繞花已令明月井交加寒藤露朶清  
秋夕可愛窗燈掩冉遮

晚涼

江皋晚涼澗雲色送人歸風緊蟬嘶日花斜燕掠  
衣燈兼園水動露入嘯篁稀夜短眠無安吟多病  
悔非

雨後歸櫂作

江濶雲涼舟正輕歸雅天外半陰晴波恬皺縠帆  
腰弱雨直懸繩日脚橫傍晚邨烟平樹白將秋樓

閣暎山明花深溪曲人何見  
颯颯漁簑狎鳥驚

寄邱東河先生

羨說齊州九點烟羅浮獨賸地行仙  
碧環貝闕空觀海青霓雲樓遠夢天  
屈子及門餘宋玉漢皇徵使附張騫  
逢人莫誦當時體于我無如負郭田

時當

解重盧王體終古誰憐屈  
宋心先生前年寄贈之句

寄潘景最三絕

花午暗沈茶竈煙瓦聲團夢雨迷川  
山頭城影城頭樹水底天光天上船



一夜南風一斗花  
澹花黃葉雜燒茶  
五枏樹底鐫

新記二百年中此故家

潘有三斂子樹甚大爲樹作記蓋數世講學其下也

又名五枏子

問兒驚別十三年  
語已波瀾思涌泉  
笑爾閑居窮

不得買書先準買山錢

與潘君一別十三年五十以後連舉五子

### 夕照歌二首

雨晴野氣匝雲涼  
艸軟風低動夕陽  
一抹亘天空

不見海東樓角赤光芒

江口千帆去定迴  
江心殘照合還開  
鷹捎雲斷歸

風急海白天青秋色來

西齋夜談作詩示伍楚園

尚村

憶昔同學初我長君一齡比肩十二三載呼我爲  
兄貧賤三十年離合風水萍惟此幾日夕同被復  
同行君身卓玉立鄉里知陳平讀書以命脉實地  
起聲名常使我眼內參立前崢嶸何爲控黃鵠躋  
蹻躑青冥我髮已漸白君衣難一青古人似子者  
今時尤世情縱橫得連騎憂患成六經去彼問我  
舌取此正吾生士有死乃貴道將櫻後寧今日大

赤熱雲密殷雷鳴入夜竹脩脩警衣露泠泠雖無  
雨一暢庶幾病亦輕天道有往復人事同腴盈退  
恬進則順氣靜文自誠勉哉楚園子大器庸晚成  
廣術懷和珍歌哭誰爲聽

苦熱旣雨而病病中書短句與楚園廉父  
鬱鬱立秋後甚熱過三伏暎風忽尖寒一雨痛病  
綠中園驗花葉憔悴等炎酷漸見生理濶反畏天  
氣速况我病夫子橐籥凜所觸陰陽動微細消息  
切肌肉外邪善鑽隙中熱忍煩促占無勿藥喜病

苦不遠復今晨起徘徊行雲廓淒蕭淵渟指鯢桓  
天清厲鷺目蘧蘧臥一醒颯颯悲已足重以二子  
者相視笑局局生涯疾干沒勞薪加濕束多憂道  
之障少安身不辱貧窶君匪病支離我全德

抱病

我譏盧照鄰荒代困多病後人亦笑我支離負  
明聖昔聞犬子貧捷得狗監徑作賦遊天地致身  
亦時命古者喧千秋我何守獨行甘心食荼蘼苦  
節託歌詠覃思奏唐虞堅欲汰衛鄭風雅斯未能

文質或偏勝短智誠侏儒高足轉徑庭惟

皇道蕩坦多士絕鑽競冶鎔金無言霜厲鐘自應  
靜通進退理臥識艸木性夢寐恬風波言語展比  
興茅心但須介筆舌非敢佞致遠恐自泥知止入  
於定花竹費日月豪髮數垢迸地萌茁心機天籟  
集虛聽示病云何滅益生幸能正後途戒突梯前  
轍如破甑

題石床

書展風翻盡杯空雨過畱蘭泉四角轉花月曲籬

秋故宅悲桐下佳人拂石頭歸魂愛吟弄新得此  
林邱

月下江上

詩思喜秋清天光入海平月流行不動風艤去無  
聲我是浮槎客何當上玉京廣寒空霧露十倍水  
鄉明

棠棣

扶病又傷離阿那棠棣枝故招人有恨不信汝無  
知翠葉涼堪惜黃英秋可疑洞庭羈客夢歸誤菊

花籬

吾兄海樵先生客楚南

秋風

中夜西風勁疑吹月倒行海光漫地白波勢落天  
聲屋壁虛浮氣琴絃燥自鳴吟詩愛秋好扶病畏  
衫輕

秋晚

吟苦秋風緊詩人如暮蟬白雲碧水底黃葉葛襟  
前艸弱無暄氣鴉寒語澹煙匠心時物內供得答  
流年

扶竹

高風撼枝葉竹汝未根深致遠他年事相憐今日  
心何人將此義伐杖莫同林可自支寒得青青者  
子衿

風勁拗我牆頭竹

本以孤難立非關絕地高可憐青眼內相望白雲  
勞愛我同鳥屋終朝損鳳毛溪門綠波影花月夜  
蕭騷

秋園咏物寓懷 十首



杜老愁風雨韓公有屋廬

四朝踐樂土一物隸安居謀食操恒產憂生託著書  
衆芳秋漸晚春菜及冬餘

宿雨靜初暎西齋開北園白花孤更冷紫葉老先

暄稚子簍筐露先生苜蓿盆晨餐復何有魚婢閒

龍孫

切笋爲絲醢而酸之以佐小魚俗呼爲魚龍羹也簍筐皆平聲

晚飯剝紅鰕秋襟開落花天吹白雲盡日上紫薇

斜淨地藻荇水小牕蘿月紗病多吟況苦多謝露

嘒鴉

竹園黃土墻墻外大鳥岡寸碧窺人出寒空落影  
長水籬浮鷁首秋鱸下魚塘小海名張翰平生事區  
區只故鄉

初黃一丈菊碎紫五楞花苦稱先生饌酸宜學士  
家晚香茲老圃託跡亦匏瓜艸木非無爲林泉卽  
有涯

吏部有佳句讀書松桂林里門今日眼喬木百年  
心錯節畸人性香醪癭鉢斟吹笙層閣坐邀飲衆  
仙臨

中園雜羣植幽意屬寒松朋友無雙士朱明割一  
峯蟄龍養雲雨嚆矢報笙鐘且媚方墀月秋陰不

甚濃

松側  
石筍

昔年八桂林黑石半城陰林大日月古城寒雲雪  
深故根遷地暖邊艸倦游心招隱淮南作秋風倚

暮吟

桂林府城  
半以黑石

鳳艸娑娑尾雞花岸岸冠騰風絲蔓提蘭露蕊珠  
寒四美剛柔性初霜紫翠癡秋梨洩春色月瑩玉

珊珊

珠蘭一樹  
花盛香絕

偶工詩遣瘡不競物疲神芳節隨時換才思可日  
新東方餘一士北夢警雙輪許國時猶遠微軀  
繫老親

寄慰石帆

復有西河哭仍知東郭貧兒生憂出骨心死病勞  
身怕夢醒辭枕驚魂慰避人千秋姓名在努力奉  
嚴親

夜雨

風攪輕陰雨欲來干沙鳴瓦走黃埃雲邊廓廓餘

光日村角浮浮不定雷吹笛昨宵猶月艇沾衣和  
氣憶春臺有田雖少成家祭花入秋槩夜雨催南  
晚造禾七八月得夜  
雨則殺螟而大熟

野色

遙天合野色似落海西頭有岸江光接無風口氣  
浮低鷹斜勢起孤樹濶寒收不覺驚衣袂吟軀病  
感秋

獨立

水光搖獨立橋底見青袍杖影陂龍化肩寒渚鶴

高物情秋不俗詩苦自徒勞昨夢征塵裏看雲撫  
大刀

李生相訪移舟溪曲飲我四松下作歌贈  
之

道人門外一灣綠欲致芙蓉媚深曲未能花下繫  
爾舸且飲松根聽我歌四松高曾手所植今朝新  
雨洗古碧故延風日恒清冷遙識兒孫有佳客歷  
床春注玫瑰香洗盞秋開沆瀣白一時質味失故  
態氣作松花青水色道人平昔不沾唇况復憂戚

纏其身君交有道飲有量興爽得秋和得春知君  
愛我一曲鑑湖水清夢與我鷗鳬親明年君來莫  
辭遠芙蓉覆天秋水晚隱約門前艤釣舟誰知花  
裏臨溪館

慈度寺松障歌

有序

慈度寺晚飯訖與致師觀嘆門外巨松其半  
已爲榕矣物之障物如是也夫作歌請師去  
其厄

飢鳥食榕不果腹飛入空邨啄大屋屋山橫雨海

刮風竄逐風勢飛入松邨靜月寒哀徹骨尾勞畢  
逋落口實胡緝匝古甃莎長帶窈窕山鬼蘿窵  
虛輟樂鼠塞竇根襪迸沫蛇盤窠年深物化若蒙  
鞞攝迷毀體如病魔之而鱗甲身半露掙攫風雷  
氣憑怒痛箝不放入定身解縛誰能持咒護千縷  
滄波歎齧痕前朝老衲手爪存可憐是病非四大  
當此直指不二門吾師慧劍金剛寶此物根塵葛  
藤老漫畱不割說法了此法要使人盡曉此法既  
使人盡曉一聲霹靂笑絕倒是時冰雪歸故林吾



與居士觀其心

廉甫楚園坐石床論詩予掌檠入廼見之  
不省苔垣夕日移藤陰香暗動秋籬蒼涼花影青  
燈外凌厲詩心白露時前輩流風何李遠悲歌結  
習鬼神疲後賢亦自多岐在轉恐多師失我師

歐孝廉

德桐

南歸贈之

前年初送君入關士氣直爭風雪盛今年遠聞君  
出京客心急與秋鴻競踏雲稍試騏驎蹶捐日  
未殺鵬鶚勁卽今塵土聊垂首懷古經過展游興

君知狂簡溷漁樵時有畸士問名姓十年詩句到  
上國一往宗門猶下乘新來簡練立地脚頗覺真  
實發天性長途君先着一鞭寸珠僕自走兩脛要  
令金璞出南鑛盡作珠璣旋北柄可憐昔日筆建  
瓴半挫中年室懸磬粗得三食果腹反近求一語  
安心竟故里弟寒兄寄纈北堂毋瘦兒多病古言  
貧乃士之常身防老者人所敬亟須畊種還帶經  
欲就孝友觀爲政中園靜坐妄自少外道伎倆戰  
必勝喜栽草木達人氣漸忘日月轉吾命得君儒

流志通素似我山色身清淨合同摩詰住衆香況  
有王筠資十詠何時過我慰殘懶先遣將詩相息音  
馳贈謾來一水孝廉船且拂遠山中婦鏡

都寧山下泛舟作

上有三忠廟

西樵仄日並海光直亘一道懸蜺黃都寧半邊得  
正赤盡障倒景橫相當古時地久餘氣荒石砦慘  
慘風雲涼白頭神鴉語秋色朽骨老松淒夕陽海  
東大鳥出晴霽水面孤青入天地看雲仰恐怪石  
翻打槳下覺諸峯碎驚心漠漭烟波晚懷古幽靈

風雨至山湫盤蛟時一伸  
騰魚千尾星帖鱗火雲  
眼燄狀奇鬼彩蟒纏絲行  
至人祠堂逼迤容海水  
樓閣頃刻驅波旬斯須過  
去天人分昏暮窈窕鍾  
鼓聞年深淚蘚斷碣字  
山下田畊滄海塵隔世  
離憂急雨掃廿里抽帆緒  
風飽露螢漁火碧相續葭  
渚蘋汀秋遂老入門幽恨  
靜轉添花上隙月遙纖纖

五百四峯堂詩鈔

卷二十終